



সর্বোচ্চ ২৯.৪°

সর্বনিম্ন ১৫.৩°

শিলিগুড়ি

বাতাসে আপেক্ষিক আর্দ্রতার পরিমাণ ৬০ শতাংশ

বৃহস্পতিবারের পূর্বাভাস : পরিষ্কার আকাশ।

হামি শহর

উত্তরবঙ্গ সংবাদ ৮ নভেম্বর ২০১৮ তেরো

অলিখিত প্রতিযোগিতা শব্দবাজার

শিলিগুড়ি, ৭ নভেম্বর : লড়াইটা চলল সবকিছুতেই। প্রতিমা থেকে মণ্ডপ, আলোকসজ্জায় তো ছিলই। উপরন্তু এ বছর দেওয়ালি উপলক্ষে যেন পাড়ায় পাড়ায় শব্দবাজারও রীতিমতো প্রতিযোগিতা চলল। বুধবার সন্ধ্যা থেকে ঘণ্টার পর ঘণ্টা ধরে বিরামহীনভাবে শব্দবাজার দাপটে কান ঝালাপালা হল শহরবাসীর। তবে সেই শহরবাসীই 'ডেইট কেয়ার মানসিকতা'য় ভিড় জমালেন পুজোমণ্ডপগুলিতে। আবার তো একটা বছরের প্রতিদ্বন্দ্বী, তাই বাড়ির বাইরে পা রেখে ঘরে ফেরার তাগিদটা তেমন ছিল না।

ইঙ্গিতটা দিয়েছিল মঙ্গলবার রাত। কিন্তু তা যে এমন পর্যায়ে পৌঁছাবে, তেমন ধারণা ছিল না কারও মধ্যেই। বুধবার কার্যত সমস্ত হিসেবনিকেশ পালটে গেল শহর শিলিগুড়িতে। কালীপুজোর রাত পালটে গেল দেওয়ালিতে পৌঁছে। প্রত্যাশিতভাবে প্রতি বছরই কালীপুজোর পরিবর্তে পরেরদিন বেশি ভিড় হয় পুজোমণ্ডপগুলিতে। এ বছরও তার ব্যতিক্রম ঘটেনি। যথারীতি সন্ধ্যা হতেই পাড়ায় পাড়ায় মণ্ডপগুলিতে ভিড় জমতে শুরু করে। যথারীতি দল বেঁধে প্রচুর মানুষ বেরিয়ে পড়েন দুরের মণ্ডপ এবং প্রতিমা দর্শনে। ফলে শহরের প্রতিটি বিগ বাজের পুজোমণ্ডপই এদিন ছিল দর্শকের ভিড়ে ঠাসা। কোথাও কোথাও দর্শকের লাইন এতটাই বড়ো হয় যে, একটা মণ্ডপে অনেকেরই কেটে যায় এক ঘণ্টারও বেশি সময়। সেবক রোড, বিধান রোড তো বাটেই, হাকিমপাড়া, আশ্রমপাড়া,



ভিড় প্রতিটি মণ্ডপে

সূর্য সেন কলোনির মতো কয়েকটি পাড়াতেও এদিন মাঝরাতে পর্যন্ত যান নিয়ন্ত্রণ করতে হয়েছে পুলিশকে। অপ্রীতিকর ঘটনা এড়াতে পুলিশের তরফে ছিল বিশেষ নজরদারি। শিলিগুড়িতে অব্যাহতিলেদের সংখ্যাটা নেহাত কম নয়। তাই দেওয়ালি উপলক্ষে খালপাড়ার নয়াবাজার, স্টেশন ফিডার রোড, সেবক রোড, শেঠ শ্রীলাল মার্কেট, বিধান মার্কেট সহ কয়েকটি এলাকা সজ্জিয়ে তোলা হয়েছিল রঙিন আলো এবং ফুল, গাছগাছালি দিয়ে। এখানেও প্রতিযোগিতা লক্ষ করা গিয়েছে উৎসবের শেষ রাতে। তবে এদিন সমস্ত কিছু ছাপিয়ে গিয়েছে শব্দবাজার প্রতিযোগিতায়। রাত ৮টা থেকে ১০টা পর্যন্ত আতশবাজি পোড়ানোর ব্যাপারে অনুমতি দিয়েছিল সুপ্রিমকোর্ট। কিন্তু শিলিগুড়িতে সন্ধ্যা থেকে অধিক রাত পর্যন্ত কেটেছে নিষিদ্ধ শব্দবাজিও। এমনকি তা টেকা দিয়েছে মঙ্গলবারের রাতকেও। শব্দবাজি ফটানোর ক্ষেত্রে পাড়ায় পাড়ায় যেন ছিল অলিখিত বা অস্বাভাবিক প্রতিযোগিতা। কোনো বাড়ির সামনে একটা শব্দবাজি ফাটলে পালটা কেউ কেউ তিনটি ফাটিয়েছেন। তার জবাব মিলেছে আরও বেশি সংখ্যায়। ফলে শব্দবাজার দাপট বেড়েছে সময়ের সঙ্গে। যার জেজে ঘুম উড়েছে অনেকেরই। কিন্তু যারা আইনকে সহজেই বুড়ো আঙুল দেখাতে পারেন, তারা কি আর সাধারণ মানুষ, পরিবেশের কথা চিন্তা করতে পারেন? প্রশ্ন অনেকেরই।

প্রচুর শব্দবাজি আটক, ধৃত ৬


শিলিগুড়ি, ৭ নভেম্বর : মঙ্গলবার যেখানে শেষ হয়েছিল, বুধবার সন্ধ্যায় শুরু হল ঠিক সেখান থেকেই। আদালতের নির্দেশ অমান্য করে সন্ধ্যা থেকে শব্দবাজার দাপটে অতিষ্ঠ হলেন শহরের অধিকাংশ মানুষ। এত নিষেধাজ্ঞা, এত নজরদারির পরেও কীভাবে এত শব্দবাজি টুকল শহরে বারেরবারে সেই প্রশ্ন উঠেছে। যদিও মঙ্গলবার রাতে বিভিন্ন জায়গায় পুলিশের অভিযানে আটক করা হয়েছে প্রচুর শব্দবাজি। শিলিগুড়ি থানার আইসি দেবশিস বোসের নেতৃত্বে মঙ্গলবার ও বুধবার শহরের বিভিন্ন জায়গায় অভিযান চালানোর পর সন্তোষনগর এলাকা থেকে আড়াই হাজার প্যাকেট লংকাবাজি ও প্রায় ১৩৫ প্যাকেট চকোলেট বোম আটক করার পাশাপাশি ২ জনকে গ্রেফতার করা হয়েছে। ভক্তিনগর থানার আইসি অনুপম মজুমদারের নেতৃত্বে হওয়া অভিযানে ৪২ নম্বর ওয়ার্ডের ভূপেন্দ্রনগর এলাকা থেকে প্রচুর শব্দবাজি আটক করার পাশাপাশি এক বিক্রোতাকে গ্রেফতার করা হয়। নিউ জলপাইগুড়ি থানার ওসি অনিবার্ণ ভট্টাচার্যের নেতৃত্বে মঙ্গলবার গভীর রাত পর্যন্ত বিভিন্ন জায়গায় অভিযান চালানো হয়। ওই থানার অস্ত্রভর্তি নেতাজি মোড় এলাকার একটি দোকান থেকে আটক করা হয় প্রচুর শব্দবাজি। শব্দবাজি বিক্রির দায়ে গ্রেফতার করা হয় ১ জনকে। প্রধাননগর থানার আইসি পঙ্কজ ধাপার নেতৃত্বে মঙ্গলবার ও বুধবার গুরুবস্তি এলাকায় অভিযান চালিয়ে প্রচুর শব্দবাজি আটক করা হয়েছে। গ্রেফতার করা হয়েছে ২ জনকে।




পাকুড়তলা যুবক সংঘের প্রতিমা।




চলছে যজ্ঞ। বিধান স্পোর্টিং ক্লাবের পুজোমণ্ডপে।



দীপাবলির আলোকসজ্জা। শিলিগুড়িতে।



শিলিগুড়ির রামকৃষ্ণ ক্লাবের কালীপ্রতিমা।



দীপাবলির রোশনাই।



আলোর উচ্ছ্বাস।

ছবিগুলি তুলেছেন তপন দাস ও সৌরভ জোয়ারদার।

হাকিমপাড়ার তরুণ সংঘের পুজোমণ্ডপে ভিড়।



গাড়ি ভাড়ার দাপট কমেনি শহরে

কম্বল বিতরণ

শিলিগুড়ি, ৭ নভেম্বর : বুধবার দক্ষিণ ভারতনগর স্পোর্টিং ক্লাবের উদ্যোগে দীপাবলি উপলক্ষে দুস্থদের মধ্যে কম্বল বিতরণ করা হয়। এদিন দেড়শো জনের হাতে কম্বল তুলে দেওয়া হয়েছে বলে ক্লাবের পক্ষ থেকে বাসু শিকদার জানিয়েছেন। দীপাবলি ও কালীপুজো উপলক্ষে প্রেস ক্লাব অফ নর্থবেঙ্গলের উদ্যোগে দুস্থদের হাতে কম্বল তুলে দেওয়া হয়। মঙ্গলবার ক্লাব প্রাঙ্গণে আয়োজিত একটি অনুষ্ঠানে দেড়শো জনের হাতে কম্বল তুলে দেন পর্যটনমন্ত্রী গৌতম দেব। এছাড়াও ক্লাব প্রাঙ্গণে একটি বৃক্ষরোপণ অনুষ্ঠানেরও আয়োজন করা হয়। প্রায় চার হাজার টারা গাছ এদিন লাগানো হয়। অনুষ্ঠানে উপস্থিত ছিলেন সমাজসেবী মদন ভট্টাচার্য, স্থানীয় কাউন্সিলার নিখিল সাহানি, সুভাষপল্লি ভারত সেবাস্রম সংঘের অতিসানন্দজি মহারাজ।

শিলিগুড়ি, ৭ নভেম্বর : দীপাবলিতেও কমেনি শহরে গাড়ি ভাড়ার দাপট। উৎসবের শুরু থেকেই ভেবে মাথায় হাত আমজনতার। যদিও প্রশাসনের পক্ষ থেকে দুর্গাপুজোর সময় থেকেই জানানো হয়েছিল বিষয়টি দেখা হবে। কিন্তু দীপাবলির শেষেও তার কোনো নজির দেখা যায়নি বলে অভিযোগ যাত্রীদের। টোটো ও সিটি অটোচালকদের দাবি, পুজোর বাজারে সব কিছুই দাম বেড়ে যায়। অন্য কিছু সময় যাত্রীরা প্রতিবাদ করেন না। কিন্তু একটু বেশি ভাড়া দিতে গেলেই আমাদের উপর যত আইন। আমাদেরও তো পরিবার রয়েছে। এছাড়া পেট্রোলের দাম বেড়ে যাওয়ার এখন আর আগের ভাড়ায় পৌঁছায় না বলে সিটি অটোচালকদের দাবি। অন্যদিকে টোটোচালকদের দাবি, পুজোর ভিড়ে এক জায়গা থেকে অন্য জায়গায় যেতে অনেকটা বেশি সময় লাগে। যার ফলে ব্যটারির চার্জ অনেকটা বেশি খরচ হয়। ফলে ভাড়া একটু বেশি না নিলে পুজোর বাজারে চলে না।

অন্যদিকে, টোটো ও অটোচালকদের সঙ্গে পাল্লা দিয়ে লাগামহীন ভাড়া হাঁকছেন রিক্সাচালকরাও। দেশবন্ধুপাড়ার বাসিন্দা মনা রায় জানিয়েছেন, কলকাতার মতো শিলিগুড়িতেও বেসরকারি পরিবহনের রেট চার্জ শহরে লাগানো দরকার। নাহলে ভাড়ার দাপটের সমস্যা কখনোই শহরে মিটবে না। এ ব্যাপারে বৃহত্তর শিলিগুড়ি ওয়েলফেয়ার অ্যাসোসিয়েশনের সম্পাদক নির্মল সরকার জানিয়েছেন, শহরের প্রধান রাস্তাগুলোতে টোটোর দাপাদাপি প্রচুর রয়েছে। যার জন্য অনেক সময় সিটি অটোচালকদের যাত্রী পেতে অসুবিধা হচ্ছে। পাশাপাশি পেট্রোলের দাম বেড়ে যাওয়ার বেশ কিছু চালক অবৈধভাবে বেশি টাকা নিচ্ছেন তার খবর রয়েছে। তবে আমরা চালকদের সঠিক ভাড়া নিতে বলছি যাত্রীদের কাছ থেকে। ডিসি ট্রাফিক নগেন্দ্র ত্রিপাঠী বলেন, বেশি ভাড়া নেওয়ার ব্যাপারে যাত্রীরা অভিযোগ জানালে উপযুক্ত ব্যবস্থা নেওয়া হবে।

পুরোদস্তুর ডিউটি করতে হচ্ছে লক্ষ্মী ও উর্মিলাকে



তমালিকা দে • শিলিগুড়ি
৭ নভেম্বর : বছরের অন্য সময় খেয়ে, খেলে, বিশ্রাম করে সময় কাটানো দুই সরকারি কর্মীকে পুজোতে করতে হচ্ছে পুরো ডিউটি। আর সেই ডিউটি করতে গিয়েই রীতিমতো নাজেহাল বেঙ্গল সাফারির লক্ষ্মী ও উর্মিলা। কাজের চাপে বদলেছে তাদের লাইফস্টাইলও। যেখানে অন্যদিন সকালের বেশিরভাগ সময় খেলে কাটাতে এখন সেখানে সাড়ে নয়টার মধ্যে পুরোপুরি তৈরি হয়ে কাজে লেগে পড়তে হচ্ছে। দিনের স্ক্রুতে ডিউটির সময় চনমনে থাকলেও বেলা গড়তেই ক্লান্ত হয়ে পড়তে তারা। তবে সাফারি পার্কে আসা পর্যটকরা হাতি সাফারি উপভোগ করছেন পুরোপুরি। বেঙ্গল সাফারির আকর্ষণ বাড়তে

গতবছর পুজোর আগে সাফারি পার্কে আনা হয়েছিল দুটি হাতি। লক্ষ্মীকে জলদাপাড়া এবং উর্মিলাকে বঙ্গ থেকে আনা হয়। উত্তরবঙ্গে আসা পর্যটকদের মধ্যে চাহিদা থাকায় সাফারি পার্কে হাতি সাফারি চালু করা হয়। পর্যটকদের জন্য দুয়ার্শের তুলনায় সাফারি পার্কে হাতি সাফারির টিকিটের দামও কম রাখা হয়। এমনকি চাহিদা থাকলে আরও হাতি আনা হবে বলেও জানিয়েছিল সাফারি কর্তৃপক্ষ। পর্যটকদের জন্য সকালে তিনবার ও বিকেলে দুবার সাফারি টিক করা হয়। কিন্তু হাতি সাফারিতে আশানুরূপ পর্যটক না পেয়ে আশাহত হতে হয় সাফারি কর্তৃপক্ষকে। এমনকি পর্যটক না থাকায় বেশিরভাগ সময়ই বিশ্রাম করেই কাটাতে লক্ষ্মী ও উর্মিলা। কিন্তু দুর্গাপুজোর সময় থেকে বেঙ্গল সাফারিতে আসা পর্যটকদের

নভেম্বর মাসের বিষয়

হামি

ছবি পাঠানোর শেষ তারিখ
১৯ নভেম্বর, ২০১৮

আলোকচিত্র প্রতিযোগিতা

- ছবি পাঠানো - photocontestubs@gmail.com-এ
- একজন প্রতিযোগী একটি বিষয়ের উপর সর্বাধিক তিনটি ছবি পাঠাতে পারবেন।
- নির্বাচিত ছবি প্রকাশিত হবে ২৩ নভেম্বর সংস্কৃতি বিভাগে।
- ডিজিটাল ছবির ক্ষেত্রে মাপ হবে ১৮০০ পিক্সেল চওড়া এবং ১২০০ পিক্সেল লম্বায় দিকে। ফাইল সাইজ 1.5 MB হওয়া চাই। এই মাপের ছবি না হলে তা বাতিল বলে গণ্য করা হবে।
- ছবির সঙ্গে অবশ্যই পাঠাতে হবে, Photo Caption, ক্যামেরার বৈশিষ্ট্য ও অন্যান্য প্রয়োজনীয় তথ্য।
- উত্তরবঙ্গ সংবাদের কোনো কন্টেন্ট বা তার পরিবারের কোনো সদস্য এই প্রতিযোগিতায় অংশগ্রহণ করতে পারবেন না।
- ছবিতে Water Mark এবং Border থাকলে তা বাতিল হবে।
- ছবির সঙ্গে অবশ্যই আপনার পুরো নাম ও ঠিকানা লিখে পাঠাবেন, অন্যথায় আপনার পাঠানো ছবি বাতিল বলে গণ্য হবে।